

左

通

補

釋

補釋九

起文公元年盡十年

左通一

錢塘梁履繩學

文元王使內史叔服來會葬

叔服者王子虎也服者字也叔者長幼稱也

公羊傳注

穀也豐下解蓋面方

豐下謂頤頤豐大也

陸氏附注

二月癸亥日有食之解癸亥月一日不書朔官失之

乙未歲

文公元年春二月癸亥朔日有食之其年三月癸亥朔去

交入食限誤爲二也

宋史律歷志三

姜氏云二月甲午朔無癸亥

三月癸亥朔入食限大衍亦以爲然今歷推之是歲三月

癸亥朔加時在晝去交分二十六日五千九百十七分八

食限失閏也

元史歷志二

於是閏三月非禮也解於歷法閏當在僖公末年誤於今年三月置閏蓋時達歷者所議正義漢書律歷志云文公元年距僖五年辛亥二十九歲是歲閏餘十三閏當在十一月後而在三月故傳曰非禮也

推文公元年歲在乙未閏當在十月下而失在三月法臣淳風等謹案術意其問宜云從周歷上元丁巳至魯文公元年歲在乙未積二百七十五萬九千七百九十八算歲中十二閏餘七問其年有閏以不若有閏復在何月下曰其年有閏在十月下術曰置周歷上元丁巳至魯文公元年歲在乙未積二百七十五萬九千七百九十八算以元

法四千五百六十除之得六百五棄之取不盡九百九十八以章月二百三十五乘之得二十三萬四千五百三十三以章歲十九除之得一萬二千三百四十三爲積月不盡十三爲閏餘經云閏餘十二已上其歲有閏今有十三卽知文公元年有閏也置章歲十九以閏餘十三減之不盡六以歲中十二乘之得七十二以章閏七除之得十命從正月起算外閏十月下而盡閏三月者非也

五經集解下

王使毛伯衛來賜公命解諸侯卽位天子賜以命圭合瑞爲信僖十一年王賜晉侯命亦其比也

春秋之義諸侯踰年卽位天子賜之以命圭則天子遣使就國賜之矣春秋之世魯文公晉惠公卽位而賜之魯成

公八年乃賜之齊靈公天子將昏於齊始賜之襄十四衛襄

魯桓則既薨乃賜之

昭七年莊元

是賜命時節無定限也由此而

言蓋踰年賜命是其正其不得命則除喪自見天子

詩瞻彼洛

矣正義

叔孫得臣解叔牙之孫

案世本桓公生僖叔牙牙生戴伯茲僖四年見茲生莊叔得臣

得臣生穆叔豹

禮記檀弓上正義

使孔達侵鄭解孔達衛大夫

案世本莊叔達生得閭叔穀穀生成叔烝鉏

成十四年見

鉏生

頃叔羅

昭七年見羅作羈

羅生昭叔起起生文叔圉

昭七年見

圉生悝

哀十五年見禮記祭統正義

案潛夫論志氏姓篇孔氏衛姬姓也然

則孔圉何以娶蒯瞶之姊豈宗不余辟乎哀十一年孔文子以孔姑妻太叔疾是知孔氏乃姑姓禮記正義謂爲異姓大夫是已潛夫論爲誤

伐縣訾及匡解匡在潁川新汲縣東北

張雲璈曰縣訾鄭地成十三年鄭公子班自訾求入于大宮疑卽此也定六年公侵鄭取匡此鄭之匡也在今洧

川縣東北

案縣屬河南開封府春秋地名攷略六

及南陽解今河內地

僖二十五年晉始啟南陽杜注晉山南河北故曰南陽又文元年晉使告于諸侯而伐衛及南陽然則南陽地極寬大不止晉有矣蓋本周圻內地文公始受之故曰啟馬融

曰晉地自朝歌以北至中山爲東陽朝歌以南至軹爲南

陽應劭曰河內殷國也周名之爲南陽

見水經清水注

後又爲魏

鄭衛三國之地魏卽分晉地應氏蓋本其後而言之耳徐

廣曰河內修武古曰南陽

案史記秦本紀集解云秦始皇更名河內屬魏地

劉原

父曰修武有古南陽城蓋南陽其統名而修武則魏之南

陽邑也今河南懷慶府修武縣北有南陽故城

大事表七之三

晉師圍戚

解

戚衛邑在頓丘衛縣西

戚世爲孫氏邑會盟要地

此年及成十五年襄二襄五年

孫林父出獻公

後以戚如晉晉人爲之疆戚田

襄廿六

蒯賁自戚入衛

哀十六

蓋其地瀕河西據中國之要樞不獨衛之重地亦晉鄭吳

楚之孔道也今直隸大名府開州北七里有古戚城

大事表七

之二

獲孫昭子解昭子衛大夫食戚邑成十四年正義世本孫氏

出於衛武公

孫莊子級武公三世孫孫昭子武公四世孫杜氏世族譜孫氏

出自姬姓案潛夫論志氏姓篇衛之公族孫氏衛康叔八世孫武公和生公

子惠孫惠孫生耳爲衛上卿食采於戚生武仲乙以王父

字爲氏案通志氏族略三云武仲亦曰孫仲乙生昭子炎炎生莊子紇哀廿六

紇生宣子鮪鮪生桓子良夫宣七良夫生文子林父成七林父

生嘉襄廿六唐書宰相世系表三下案哀廿六年傳甯武子孫莊子

爲宛濮之盟此盟在僖廿八年特未見傳文而唐表遂誤

爲昭子生莊子也級紇相似終當以譜爲正程氏世譜與

杜諧同

我辭之

辭之者爲之請平於晉

顧氏補正中

君之齒未也而又多憂黜乃亂也

解齒年也言尚少

言君之春秋富而內嬖多將來必有易樹之事則亂從之

矣

顧氏補正中

告其師潘崇

潘氏芊姓楚之公族以字爲氏潘崇之先未詳其始或言

畢公高之子季孫食采於潘謬矣潘岳家風詩自可見晉

亦有潘父

桓

恐自楚往也

通志氏族略三

役夫

解

賤者稱

管子

輕重已篇

曰處里爲下陳處師爲下通謂之役夫

惠氏補注二

文

王官無地御戎

官又複姓晉王官無地御戎

廣韻官字注

案王官地名蓋其

先之食邑是以邑爲氏者也

王官地見三年傳

狐鞠居

解續簡伯

六年解鞠居狐氏之族

晉大夫狐鞠居食采於續故謂之續簡伯

通志氏族略三

案續

地無攷簡伯蓋其字也鞠居以專殺誅不宜有諡續以邑

爲氏戰國時趙有續經

見呂覽無義篇

今陝西崞縣有此姓是其

後也潛丘劄記二云傅山先生

字青主

少耽左傳著左錦一

書祕不示人余初訪之松莊年將六十矣問余古人命名

應有義但如續鞠居乃狐射姑之族鞠居二字何義余曰

案成二年齊師乃止次于鞠居杜氏止注衛地惟劉昭引
陳畱志於兗州封丘縣下注云有鞠亭古鞠居則知此蓋
以地命名者因難何以晉人遠取衛地而名其子邪余曰
則有風俗通義在俗說縣令問主簿靈星在城東南何法
主簿仰荅曰唯靈星所以在東南者亦不知也先生不覺
笑錢學士大昕曰古人以二字名者多取雙聲疊韻與夷
犁來濤塗彌明彌牟滅明由于於姚雙聲也龙降臺駘鈕
吾圍龜且居髡頑州仇魁壘疊韻也鞠居亦取雙聲百詩
以地名爲證固妙然地名亦有取雙聲者百詩未悟雙聲
故無以解晉人取衛地命名之難

及秦師戰于彭衙

解

馮翊郃陽縣西北有彭衙城

史記秦武公元年伐彭戲氏正義曰彭戲戎號卽彭衙秦文公於其地置泉縣在今陝西同州府白水縣東北六十

里

大事表
七之三

萊駒

萊氏以國爲氏晉有大夫萊駒

通志氏
族略二

周志有之勇則害上不登於明堂解周志周書也明堂祖廟也正義明是周世之書不知其書何所名也

勇如害上則不登于明堂

逸周書後大匡解
校云如與而同舊作知誤黃帝

曰合宮有虞曰總章般人曰陽館周人曰明堂皆所以名

休其善也

尸子君治篇
案此條
據震澤任氏北麟刊本

丁丑作僖公主書不時也解過葬十月故曰不時

公羊曰虞主用桑練主用栗用栗者藏主也作僖公主何

以書譏不時也欲久喪而後不能也

禮作練主當以十三月文公亂聖人制欲

服喪三十六月十九月作練主又不能卒竟故以二十五月也

愚謂魯文公情人也恐不

能有志久喪蓋是時逆祀有萌議論未定緩於作主以是

故也禮既葬而作主欲神靈之有所憑依也於是奉主反

虞虞而祔孫從於祖既祔仍特祭於寢終喪祫乃以入廟

此禮之常節有不待考而知者緣文公欲躋僖於閔之上

又妄欲以兄弟自爲昭穆所以緩於作主當祔而不知所

祔故也及是羣下並從邪議乃始作主而依神大事太廟

遂躋僖於閔之上而行祔廟之禮春秋先書作主次書逆

祀言緩於作主乃逆祀之端耳

家氏春秋詳說十三

盟于垂隴解鄭地滎陽縣東有隴城

在今河南滎澤縣東北

案縣屬開封府
講春秋解義二十三

躋僖公逆祀也

詩序

駢

季孫行父請命于周以時考之爲文公請命也作

頌爲將躋僖公

趙訪春秋
集傳七

案夏父弗忌以僖爲聖賢故

有躋位之舉子常說詩殊確孔氏魯頌譜正義謂僖公之時不應聽臣請王自頌己德此詩之作當在文公之世其年月不可得而知履繩謂請命作頌必在作主之前蓋僖公薨後賜命如衛襄魯桓之例文公元年毛伯錫命或其時并行斯禮耳

於是夏父弗忌爲宗伯案宗伯掌宗廟昭穆之禮

弗忌魯大夫夏父展之後也

國語魯語上注

哀二十四年傳使宗

人爰夏獻其禮杜曰宗人禮官案諸侯不應有宗伯而周

禮春官之屬有都宗人掌都祭祀之禮家宗人掌家祭祀

之禮定四年傳稱魯公之封有祝宗卜史杜氏解宗爲宗

人

案魯語夏父弗忌爲宗韋注云宗宗伯

魯語宗人夏父展韋注宗人宗伯

也則魯之宗人亦謂之宗伯蓋其所掌與周官小宗伯同

大事表十

案魯之夏父氏蓋世爲宗人之官左傳以弗忌爲宗

伯

外傳同

蓋僭稱也春秋諸國皆不立宗伯以諸侯三卿五

大夫無宗伯小宗伯故也

五禮通考二百十六

廢六關

古者竟上爲關者王城十二門則亦通十二辰辰有一門

一關諸侯未知幾關魯廢六關半天子則餘諸侯亦或然

也

儀禮聘禮疏

縱逆祀解聽夏父躋僖公

孔子曰臧文仲安知禮夏父弗綦逆祀而弗止也

禮記禮器

宋公子成七年解莊公子

公子譜云宋莊公子仲之後亦稱仲氏

通志氏族略四

案成之

孫仲江

襄十四

始以仲爲氏

鄭公子歸生

公子歸生子家或云靈公弟

春秋分記世譜四

取汪

或口汪在澄城縣界或曰在白水縣界

案二縣並屬陝西同州府春秋地

襄仲如齊納幣禮也

正義

公羊傳曰此何以書譏何譏爾譏

喪娶也娶在三年之外則何譏乎喪娶三年之內不圖昏其意謂此喪服未畢而行昏禮也何休據此作膏肓以左氏爲

短

鄭箴膏肓僖公母成風主婚得權時之禮

禮記檀弓上正義

友

伐沈

解

沈國名也汝南平與縣北有沈亭

案晉志及呂氏集解並作平與

沈嬖姓子齋

案路史國名紀四同

春秋有沈子逞

昭廿三

沈子嘉

定

四年蔡滅之

通志氏族略二

新唐宰相世系表皆承用逐家譜牒

故多有謬誤內沈氏者最可笑其略云沈氏出自姬姓

郡

周文王子聃叔季字子揖食采於沈今汝南平輿沈亭

是也魯成公八年爲晉所滅沈子生逞字脩之

案今唐表及通志略

之作循

奔楚遂爲沈氏生嘉字惟良嘉生尹戌

案表及略作尹戌

生諸梁諸梁子尹射字脩文其後入漢有爲齊王太傅數德侯者有爲驃騎將軍者有爲彭城侯者宋書沈約自敘云金天氏之後沈國在汝南平輿定公四年爲蔡所滅秦末有逞者徵丞相不就其後頗與唐表同案聃季所封自是一國與沈了不相涉春秋成公八年晉侵沈獲沈子揖昭二十三年吳敗頓胡沈蔡之師于雞父沈子逞滅定四年蔡滅沈殺沈子嘉今表云聃季字子揖成八年爲晉所滅是文王之子壽五百餘歲矣逞爲吳所殺而表云奔楚宋書云秦召爲丞相沈尹戌爲楚將戰死於柏舉正與嘉

之死同時而以爲嘉之子尹射書於左傳三十四年始書

諸梁

案尹射見昭四年諸梁見定五年

乃以爲其子又春秋時人立字皆

從子及伯仲豈有脩之惟良脩文之比漢列侯表豈有所

謂敷德彭城侯百官表豈有所謂驃騎將軍沈達者沈約

稱一時文宗妄譜其上世名氏官舊固可嗤誚又不分別

兩沈國其金天氏之裔沈姒蓐黃之沈封於汾川晉滅之

見昭元

春秋之沈封於汝南蔡滅之顧合而爲一豈不讀左

氏乎歐陽公略不筆削爲可恨也

容齋筆六

沈今河南汝寧

府治東南有平輿故城亦曰懸瓠城汝水屈曲形如垂瓠

故名

大事表九

案唐書宰相世系表四上又云尹戊字仲達

尹射二子尹朱尹赤尹赤字明禪今檢沈尹朱見於哀十

七年沈尹赤前見於昭五年不成是兄弟傳會傾倒此鄭漁仲所謂皆野書之言無足取也楚沈地別見宣十二年

沈尹下

春秋分記疆理書十一云
沈有二一沈國一楚縣

取王官及郊晉人不出遂自茅津濟封穀尸而還解王官郊晉地茅津在河東大陽縣西封埋藏之

史記秦紀正義云王官故城括地志實有二一在同州澄

城縣西北九十里

今陝西同州府

一在蒲州猗氏縣南二里

今山西蒲

州皆爲秦伯取者上文時秦地東至河蓋猗氏王官城是

余謂晉正都於絳絳在今太平縣南二十五里去猗氏密

邇旣取王官矣及郊猶哀十三年越伐吳先及郊之郊非

晉之遠郊則近郊地可知

案昭廿三年晉人圍郊周地定
十二年衛伐曹克郊曹地哀十

一年及齊師戰于郊
魯地並當作此解

晉人震恐皆城守不敢出秦可謂勝

任而愉快矣於是繆公乃自茅津正義云茅津在陝州河
北縣大陽縣余謂此漢二縣名並今平陸縣渡河封殺中
尸正義云自茅津南渡河也因悟初濟河是自西而東及
茅津濟河則自北而南案之輿圖宛然如覩當是時秦如
入無人之地矣安得不遂霸西戎哉至左氏曰而還殆從
陸路而還於其居雍城云四書釋地又續今山西解州平陸縣東
南有茅城河水經其南卽茅津也南對陝州隸河南省州治距
河僅三里乃黃河津濟處亦謂之大陽津唐貞觀十一年
於茅津造浮梁曰大陽橋長七十六丈廣二丈架大河之
上尋廢今亦曰大陽關蓋東則富平津西則大陽津實大

河之衝要也

大事表
八上

又圍邛新城解秦邑也

邛在今陝西澄城縣境縣東北有古新城卽梁國之新里

也

日講春秋
解義二十三

案說文邛鄭邑也徐氏繫傳以爲傳寫

之誤史記晉世家取新城集解引服虔曰秦邑新所作城也蓋秦於僖十八年取新里後易此名

使行人私焉

襄四年解行人通使之官

行人官名掌賓客之禮

國語魯語下注

案行人見於經者六並以

見執書

襄十一年又十八昭八
又廿三定六又七

是乃一時奉使非專官又案

襄四年正義云周禮大行人掌大賓之禮及大客之儀小行人掌使適四方協九儀賓客之禮諸侯行人當亦通掌

此事故爲通使之官然則經傳所書行人雖各異其職掌

正同

大事表十

案春秋官制非僭則亂魯叔孫氏以司馬而

爲行人鄭公孫黑以上大夫而世行蓋是兼職出使者不必皆專官也

臣以爲肄業及之也解肄習也魯人失所賦甯武子佯不知

此其愚不可及

正義

說文肆訓爲陳字從長隶聲

見長部

肆訓

爲習字從聿帚聲

見聿部

古書經傳所作字皆同耳

肄習也臣鎔案春秋左傳甯俞曰臣以爲肄業及之也肄

篆文肄臣鎔曰矣疑字之左也

說文肄字繫傳餘詳攷異

左傳記賦

詩者始於僖二十三年秦伯享晉公子重耳公子賦河水公賦六月公子歷諸國未嘗賦詩乃特見於秦非襄之文

安能使公子爲此自此至文四年甯武子聘魯公與之宴
賦湛露彤弓以爲肄業及之婉其辭以規魯之僭也至定
四年申包胥乞師秦哀公賦無衣左傳終所賦之詩惟河
水新宮茅鴟轡之柔矣爲逸詩餘詩皆存自隱元年至僖
二十三年凡八十五年遂不復有賦詩者惟襄昭之間一
時能歌詩晉有范韓趙三卿魯季孫氏有文子武子平子
叔孫氏有穆子昭子鄭有七穆子孫是皆世卿公族風流
文雅聚在百年之間僖文之前旣無聞昭定之後復絕轡
想見歌詩必有音譜相傳在人好學不好學其人不好學
則雖齊慶宋華世家簪紱而昏愚無知其人好學則秦楚
之人有歌詩者楚右尹子革能誦祈招姜戎言語不通忽

歌青蠅使范宣子心服古人以歌詩肄業今皆慶封華定

之流矣

熊氏經說三

文五

王使榮叔來含解珠玉曰含含口實正義周禮玉府大喪

共含玉穀梁傳曰貝玉曰含

隱元

士喪禮含用米貝莊子說發

冢之事云徐徐別其頰無傷口中珠

見外物篇作徐徐別其頰

是含有用

珠者也故云珠玉曰含何休云天子以珠周禮大喪共玉不

共珠也

云云雜記云諸侯相含以璧未知何人用珠耳云云

榮氏周大夫榮夷公

厲王卿士見周語

其先食邑於榮杜預云鞏

縣西有榮錡澗

見昭廿二

周畿內地也

通志氏族略三

天子飯九貝諸

侯七大夫五士三

禮記雜記下

此蓋夏時禮也周禮天子飯含

用玉

又注

典瑞云大喪共飯玉含玉是周禮天子飯含用玉

案禮戴說天子飯以珠含以玉諸侯飯以珠含以璧

此三字依

宋本增

大夫士飯以珠含以貝此等皆非周禮並夏殷之法

又正義

禮雜記論諸侯弔含之事云將命者執璧委於殯東

是諸侯用璧士喪禮含用米貝是士用米貝莊子云徐徐

別其頰無傷口中珠或大夫用珠也其多少之數士喪禮

用貝三則天子以下同用三明矣何者實口當無多少之

異故也舊說云大夫當五諸侯當七天子當九非也

案此不依

雜記

檀弓含用米貝以喪大記約之則天子米當用黍諸侯

用梁大夫士用稷也

案士用稷與檀弓正義不同穀梁隱元年傳疏

喪大記云

君沐梁大夫沐稷士沐梁又以所沐之米以飯之故士喪

禮祝淅米于堂又云祝受米奠于貝北主人左扱米實于

右是飯用沐米也則是諸侯用梁大夫用稷士用梁士用梁者謂天子之士諸侯之士用稻故士喪禮云稻米一豆實于筐是也以次差之天子當沐黍與是天子飯用黍也

禮記檀弓下正義

案白虎通崩薨篇云天子飯以玉諸侯以珠

大夫以米士以貝後漢書梁商傳注引作大夫飯以玉哈以貝士飯以珠哈以貝愚謂士不當用珠文有譌易白虎通云哈用珠寶物米非珠寶也據檀弓正義所說此何獨大夫以米何休公羊傳注天子以珠諸侯以玉大夫以碧玉以貝春秋之制也蓋出說題辭之文正義引何注碧作璧太平御覽禮儀部二十八亦同穀梁疏引禮緯云大夫用璧故米字疑當作璧說苑修文篇云天子哈實以珠諸

侯以玉大夫以璣士以貝庶人以穀則米或庶人用之檀弓正義引禮緯稽命徵云天子飯以珠含以玉諸侯飯以珠含以璧卿大夫飯以珠含以貝此等或是異代禮非周法也續漢書禮儀志注亦引之

六人叛楚解六國今廬江六縣

泚水出泚山泚字或作淠淠水西北逕六安縣故城西縣

故咎陶國也夏禹封其少子奉其祀

案路史小異紀云皐陶次子仲甄事夏封

六水經

世紀六偃姓子爵皐陶次子甄是爲仲甄封于

六是也括地志故六城在壽州安豐縣南百三十里蓋卽

所謂騶虞城今之六安州也

案州屬安徽省秋地名攷略十四

不祀忽諸

服虔云諸辭

詩柏舟正義

過甯甯晉邑汲郡脩武縣也

今河南衛輝府獲嘉縣西北有修武故城古甯邑秦置縣

大事表
七之三

商書曰沈漸剛克高明柔克解沈漸猶滯溺也高明猶亢爽

也言各當以剛柔勝己本性乃能成全也此在洪範今謂之

周書釋文漸似廉反正義箕子商人所說故傳謂之商書

忘湛漸之義

漢書谷永傳

師古曰湛讀曰沈漸讀曰潛周書洪

範曰沈潛剛克言人性沈密謂潛深者行之以剛則能堪

也

又注

沈漸剛克高明柔克

史記宋世家

尚書作沈潛此作漸字

又索隱

馬融曰高明君子亦以德懷也

又集解

左傳引洪範爲

商書何也

此年傳及成六年襄三年

是蓋殷之遺民所稱而後人因之

者蓋曰惟十有三祀則雖以爲商書可也微子微仲終其

二世不稱宋公亦猶洪範之稱商書也

全祖望經史問答二

案傳

以洪範爲商書猶之稱虞書爲夏書也潛丘劄記四謂商

書爲夫子未刪前之書名愚謂左氏作傳於既修春秋之

後且習聞闕里緒言決不取未刪之書名以著之也

而離其難

離卽罹罹被也

史記管蔡系家索隱

屈原離騷言遭憂也漢王褒頌

離此患也與罹同

古今韻會舉要二

案襄廿一年子離於罪亦

同

六文

晉蒐于夷

解夷晉地

夷周地莊十六年晉武公伐夷杜注周大夫詭諸采邑

春秋

地名攷

略一詳見莊傳

使狐射姑將中軍射姑狐偃子賈季也

世本有大狐氏小狐氏溱爲大狐氏

狐溱狐毛之子見僖廿五

射姑爲

小狐氏

路史後紀十注

韋昭注外傳

晉語四

晉賈它狐偃之子太師

賈季也公族姬姓食邑於賈字季案內傳則賈佗似又是

一人韋氏誤也晉故有賈氏七輿大夫之中右行賈華是

也蓋故是晉之公族賈它在從亡諸臣之列公孫固曰晉

公子父事狐偃師事趙衰長事賈它則與咎犯等夷非父

子矣狐氏雖亦姬姓然戎種非公族也至咎犯之子始稱

賈季而其氏仍以狐是猶之士會稱隨會也襄公之世趙

盾將中軍賈季佐之而陽處父爲太傅賈佗爲太師二賈

同列計其時佗爲老臣而季新出安得合而爲一也

經史問答

四

案桓九年晉滅賈國以爲邑疑賈華先受之後以與

狐射姑爲采因稱賈季以邑爲氏恐賈華是雜人也唐書

世系表

五

云狐偃之子射姑爲晉太師食邑於賈字季他

與佗

亦號賈季此卽本韋氏之說不可案據

禮記檀弓下正義賈季卽

狐射姑也賈是采邑季則其字

改蒐于董

解河東汾陰縣有董亭

汾陰今爲山西蒲州府榮河縣

大事表七之三

且謂趙盾能

師古曰能謂材也能本獸名形似熊足似鹿爲物堅中而

彊力故人之有賢材者皆謂之能

漢書高帝紀注

季文子解行父季友孫

世本季友生仲無佚佚生行父

穀梁傳疏

案韋氏周語中注

季文子齊仲無佚之子齊蓋其諡也

禮記檀弓上正義作無逸

秦伯任好卒以子車氏之三子奄息仲行鍼虎爲殉皆秦之良也國人哀之爲之賦黃鳥解任好秦穆公名子車秦大夫氏也以人從葬爲殉

服虔云殺人以葬琬環其左右曰殉又秦本紀云穆公卒葬於雍從死者百七十人然則死者多矣主傷善人故言哀三良也殺人以殉葬當是後主爲之此不刺康公而刺穆公者是穆公命從已死此臣自殺從之非後主之過

詩黃

鳥正義

餘詳廣傳

季文子將聘於晉使求遭喪之禮以行正義依聘禮出使唯以幣物而行無別齋遭喪之禮若主國有凶則臨時辦備

是禮也卽聘禮所載聘遭喪入竟則遂也不郊勞不筵几不禮賓主人畢歸禮賓唯饗餼之受不賄不禮玉不贈又曰遭喪將命于大夫主人長衣練冠以受孔疏號詳博亦未及此特爲補之四書釋地又續案哀十五年傳正義引此條

先君薨之

先君謂文公

顧氏補正中

班在九人解班位也

服虔曰班次也

史記晉世家集解

九等之班乃諸侯取女立子通

制隱元年公羊傳何氏注曰禮適夫人無子立右媵右媵無子立左媵左媵無子立適姪娣適姪娣無子立右媵姪娣右媵姪娣無子立左媵姪娣是時諸侯取女立子雖不如禮而九等班位尚存故趙孟得而言之與公羊立子以貴不以長之說合

趙氏補注四

杜祁以君故

君謂襄公

顧氏補正中

讓偁姑而上之解偁姑姑姓之女正義譜以偁爲國名地闕不知所在

偁或以爲卽偁陽

見路史國名紀一

非是偁姑姓偁陽妘姓

畢氏晉書

地理志補正一

趙孟使殺諸郕解郕晉地

晉郕卽郕邵在河南懷慶府濟源縣西一百里

春秋與圖

詳

襄廿三年郕邵下

宣子使夷駢送其帑解帑妻子也

古者謂子孫爲帑

禮記中庸注

本又作孥同尚書傳

廿毛詩箋

常棣並云子也杜預注左傳云妻子也

又釋文

案十三年解

以帑爲子蓋散文則通趙岐注孟子亦以孥爲妻子其實

妻妾子孫皆孥也正義云帑者細弱之號得之矣

吾聞前志有之曰

志記也言在書籍所記

國語楚語上注

閏月不告朔非禮也解經稱告月傳稱告朔明告月必以朔

六年庚子十二月閏戊子小

杜氏經傳長歷

臣淳風等謹案術意

問宜云從周歷上元至文公元年元餘九百九十八算問
文公六年合有閏不曰無閏術曰置文公元年算九百九
十八更加五得一千三算以章月二百三十五乘之得二
十三萬五千七百五以章歲十九除之得一萬二千四百
五爲積月不盡十爲閏餘經云閏餘十二已上其歲有閏
今止有十卽知六年無閏也

五經算術下

每月以朔告神謂之

告朔卽論語云告朔之餼羊是也則于時聽治此月朔之
事謂之聽朔此玉藻文是也聽朔又謂之視朔文十六年
公四不視朔是也告朔又謂之告月文六年閏月不告月
是也行此禮天子於明堂諸侯於太祖廟訖然後祭於諸

廟謂之朝享司尊彝云朝享是也又謂之朝廟文六年云
猶朝于廟是也又謂之朝正襄二十九年釋不朝正于廟
是也又謂之月祭祭法云皆月祭之是也

禮記玉藻正義

文於是公子成爲右師公孫友爲左師

宋六卿自殤公以前則大司馬執政督殺司馬孔父遂以
太宰相襄公卽位子魚以左師聽政

僖九年

而傳文始終稱

司馬子魚疑是時始立左右二師而子魚以司馬兼左師

後遂爲專官也然春秋官皆尚右傳敘宋六卿皆先右師

文十六成
十五年襄九

是宋卿以右師爲長

大事表十

華御事爲司寇解華元父也

案世本華督子家家子御事世系族譜並缺世家誤以御

事爲督子今正之

案世本見文十六年疏
春秋分記世譜七

秦康公

服虔曰康公秦穆公太子罃晉出也

太平御覽皇
親部十二

無衛

服虔曰衛從兵也

太平御覽皇
親部十二

穆嬴日抱大子解穆嬴襄公夫人靈公母也

服虔曰大子靈公

太平御覽皇
親部十二

將焉寘此

服虔曰寘置也此太子

太平御覽皇
親部十二

頓首於宣子曰

自敵者皆從頓首李陵報蘇武書稱頓首陳氏禮書

八十
七

曰春秋之時晉穆嬴抱太子頓首於趙宣子魯季平子頓首於叔孫則頓首非施於尊者之禮也

日知錄二十八

少儀曰婦

人吉事雖有君賜肅拜注云婦人以肅拜爲正凶事乃手

拜耳孔正義曰言肅拜是婦人之常左傳穆嬴頓首於宣

子之門有求於宣子非禮之正也愚謂穆嬴有襄公之喪

以非喪次故用吉拜而頓首也

惠氏補注二

詩詁云九拜鄭說

皆非

春官太祝

一稽首謂下首至地稽留乃起二頓首謂下手

置首於地卽起三空首謂下手首不至地四振動謂恐悚

迫蹙而下手五吉拜謂雍容而下手六凶拜稽顙而後拜

七奇拜奇不偶也謂禮簡不再拜也八褒拜謂荅拜也古

文報亦作褒九肅拜謂直身肅容而微下手如今婦人拜

鄭以稽首爲頭至地頓爲叩地空謂頭至手所謂拜手吉爲拜而稽顙凶爲稽顙而后拜奇爲先屈一膝或爲倚拜鄭司農以褻拜爲持節拜鄭大夫以振動爲兩手相擊皆非也

潛上篇記一

此子也才吾受子之賜不才吾唯子之怨無欲使宣子教訓之

服虔曰如子爲善教誨此子使之有賢才知人君之道也則吾受子之賜賜猶惠才而受賜美其教也不才怨子惡其教不至也

太平御覽皇親部十二

皆患穆嬴

服虔曰言諸大夫患穆嬴以君顧命之言責已也

太平御覽皇親

部十

及堇陰解晉地

堇陰疑當在山西蒲州府榮河縣蓋蒲州界接潼關與秦以大河爲限秦晉戰爭刳首令狐河曲羈馬俱在今永濟

臨晉榮河猗氏之地

大事表七之三

先人有奪人之心

又見宣十二年昭廿一年

張預曰心者將之所主也治亂勇怯皆生於心善制敵者燒之而使亂激之而使惑迫之而使懼彼之心謀可奪傳

曰先人有奪人之心謂奪其本心之謀也

讀左日鈔四

利兵

又見成十六年

漢書梅福云孔子曰工欲善其事必先厲其器古文論語

厲作利案春秋傳云利兵是利與厲同

惠棟論語古義

案倍卅

三年厲兵猶利兵也

敗秦師于令狐至于刳首解令狐在河東當與刳首相接

令狐今蒲州府猗氏縣地水經注刳首在西三十里當在

今榮河臨晉間也

大事表七之三

盟于扈莊廿三年經解扈鄭地在滎陽卷縣西北

此作西北有扈亭

扈在河南懷慶府原武縣西北

春秋輿圖

及鄆陵解莒邑

鄆陵在今山東沂州府沂水縣與鄭之鄆陵有別

成十六大事

表七

鄆陵有二文七年穆叔登鄆陵城莒地也成十六年

晉及楚鄭戰于鄆陵鄭地也

春秋分記疆理書十一

叔仲惠伯解叔牙孫十一年解彭生叔仲惠伯

世本桓公生僖叔牙叔牙生武仲休休生惠伯彭彭生皮

爲叔仲氏

禮記檀弓
下正義

案程氏世譜六云公子牙生茲

僖四

茲生二子曰得臣

文元

曰叔仲彭生杜譜並云叔牙孫不言

某某之子今世本謂武仲休生彭又謂戴伯茲生得臣

詳文

元年

似可案據叔仲皮叔仲衍鄭注檀弓以衍爲皮之弟

則皆爲彭生之子而程譜以皮衍爲叔仲志之子

志見定八

亦

不合

惠伯成之解平二子

周禮調人職曰凡有鬪怒者成之鄭衆曰成之謂和之也

猶今二千石以令解仇怨

惠氏補注二

勸之以九歌勿使壞九功之德皆可歌也謂之九歌

周禮九磬之舞注云當爲大磬愚謂九磬之名尚矣不必

改字說苑孔子至齊郭門之外遇一嬰兒挈一壺相與俱

行其視精其心正其行端孔子謂御曰趣驅之趣驅之韶

樂方作孔子至彼聞韶三月不知肉味見修文篇齊景公作徵

招角招蓋舜樂之存者劉原父云九招者九名予識其三

焉祈徵角之謂也山海經夏后開得九辯九歌以下始歌

九招於大穆之野案離騷云啟九辯與九歌天問云啟棘賓商九辯九歌王逸注卽引傳九功爲

證帝王世紀啟升后十年舞九韶原注竹書曰夏后開舞九韶史記禹

乃興九招之樂索隱曰卽舜樂簫韶九成艾軒謂勸之以

九歌卽九招之樂呂氏春秋古樂帝嚳命咸黑作爲聲歌九

招六列六英帝舜令質脩九招六列六英以明帝德然則九招作於帝嚳之時舜脩而用之

困學紀聞四

言九功之德皆

可歌者若水能灌溉火能烹飪金能斷割木能興作土能生殖穀能養育古之歌詠各述其功猶如漢魏已來樂府之歌事歌其功用是舊有成辭人君脩治六府以自勸勉使民歌詠之三事亦然

書大禹謨正義

正德利用厚生謂之三事

注云正德人德利用地德厚生天德

周禮大司樂疏案疏下云賈服知此是

賈服注

文八晉侯使解揚宣元年解解揚晉大夫

霍人解揚字子虎故後世言霍虎

劉向說苑奉使篇

晉大夫解揚

解狐之族其先食采於解今解州卽其地

通志氏族略三

自申解申鄭地

申當在今開封府汜水縣界

大事表七之二

秦人伐晉取武城

史記秦厲共公二十一年晉取武城魏文侯三十八年伐

秦敗我武下卽武城下也漢置武城縣屬左馮翊

春秋地名夜略

四晉武城在陝西同州府華州東北十三里

春秋輿圖

梁益耳

梁統字仲寧安定烏氏人晉大夫梁益耳卽其先也

後漢書梁

傳統東觀記曰其先與秦同祖出於伯益別封於梁

又注

案

晉有梁氏桓三年有梁弘莊廿八年有梁五儔卅三年有

梁弘疑別一人

昭三年有梁丙定十三年有梁嬰父特未

詳所系

先克奪蒯得田于堇陰

蒯氏以邑爲氏風俗通晉大夫蒯得之後

通志氏族略三

文九范山解楚大夫

案范楚邑芋尹無宇亦稱范無宇

見楚語萬氏氏族略

案十年

傳范巫裔似杜云范邑之巫特未詳其所在

楚子師于狼淵以伐鄭解解潁川潁陰縣西有狼陂

狼淵在今河南許州

日講春秋解義二十四

宋華耦解華父督曾孫

御事生二子

御事見文七

曰耦後無曰元

見文十六春秋分記世譜七

案文

補釋九

十八年解司馬子伯華耦也世譜列爲二人誤

克壺上解陳邑

壺上在今河南陳州府南境

大事表七之四

獲公子蔑

案成十六年鄢陵之戰囚楚公子蔑距此四十四年疑別

是一人

顧氏補正中

楚子越椒來聘

楚鬬椒字伯芬

見宣四年

一字子越芬芬古字通荀子禮論椒

蘭芬苾司馬相如上林賦衆香發越鬬椒穀梁作荻釋文

云或作菽荻荻椒古並通

周秦名字解故下

文晉人伐秦取少梁解少梁馮翊夏陽縣

梁國在陝西同州府韓城縣南二十里後入秦曰少梁春秋

輿桓九年梁伯伐曲沃注梁國在馮翊夏陽縣郤芮曰梁

近秦而幸焉是也漢書地理志云馮翊夏陽縣故少梁也

水經注乃曰大梁周梁伯之居也梁伯好土功大其城號

曰新里民疲而潰秦遂取焉後魏惠王自安邑徙都之竹

書紀年梁惠成王六年四月甲寅徙都於大梁是也渠水注

是誤以少梁爲大梁而不知大梁不近秦也後漢志河南

尹梁故國伯翳後注引博物記曰梁伯好土功今梁多有

城亦誤 餘詳哀四年

秦伯伐晉取北徵釋文北徵如字三蒼云縣屬馮翊音懲一

音張里反

左馮翊徵

漢書地理志上

師古曰徵音懲卽今之澄城縣是也左

傳所云秦取北徵謂此地耳

又注

晉北徵在陝西同州府澄

城縣南二十二里

春秋與圖

使爲商公

解

商楚邑今上雒商縣

商今屬陝西商州

日講春秋正義二十五

將入郢

欲入郢爲亂

顧氏補正中

王在渚宮

解

小洲曰渚

水經注今江陵城楚船官地卽春秋之渚宮也今爲荊州

府治江陵縣

湖北

東晉後嘗爲重鎮桓溫及其弟沖皆保據

渚宮梁元帝後梁蕭銑及高從誨皆都此

大事表九

臣歸死於司敗也解陳楚名司寇爲司敗

陳近楚設官多相效昭七年楚芋尹無宇哀十五年陳有

芋尹蓋

大事表十

案唐有司敗亦近楚也見定三年

次于厥貉解地名闕

厥貉當在今河南項城縣

案縣屬陳州府日講春秋解義二十五

期思公復遂解復遂楚期思邑公今弋陽期思縣

期思故蔣國楚滅之爲邑今在河南光州固始縣西北七

十里

春秋地名攷略八

案孫叔敖卽期思之鄙人

本篇荀子非相篇呂氏春秋

贊能篇

故決期思之水而灌雩婁之野莊王用爲令尹後其

子封於寢丘亦在固始

並本淮南人閭訓

及文之無畏

楚申氏芊姓也楚大夫申無畏者又氏文氏

潛夫論志氏姓

申舟

見宣十四

稱文之無畏疑是文族楚文王之後也

萬氏氏族略

案

文蓋以諡爲氏者申其食邑舟字也之語辭濫南主術訓

稱文無畏可見

命夙駕載燧

解燧

取火者

宵田爲獠

爾雅釋天

卽今夜獵載鑪照也

又注

麋子

國于錫穴今陝西興安州白河縣是

案州今升府治大事表五

案

路史國名紀三以麋爲麋云麋芊姓子春秋無麋國強分

爲當陽之麋

引錫穴爲證

以麋爲房陵之麋

引防潘爲證

不可案據

詳見攷異

補釋九

補釋十

起文公十一年盡十八年

左通一

錢塘梁履繩學

一 文十 成大心敗麋師於防渚解防渚麋地

杜佑曰房陵卽春秋時麋國地所謂防渚者也秦始皇徙趙王遷于房陵卽此建安十四年先主遣孟達攻下房陵又使劉封自漢中乘沔水會達攻上庸上庸太守申耽降後孟達據房陵降魏蓋隴蜀咽喉蜀魏所必爭之地也今

爲湖廣鄖陽府房縣

大事表七之四

至于錫穴解錫穴麋地

錫穴今爲鄖陽府治鄖縣蓋卽麋之國都至十六年楚伐庸麋人率百濮聚於選則麋猶存蓋庸在上庸爲今竹山

縣麋有錫穴及防渚爲今之鄖縣房縣俱屬鄖陽府爲接

壤庸滅而麋亦不復存矣今與陝西四川俱接界

大事表七之四

叔仲惠伯會晉卻缺于承匡

解承匡宋地在陳畱襄邑縣西

承匡在河南歸德府睢州西三十里

春秋與圖

敗狄于鹹

解鹹魯地

鹹在山東曹州府曹縣境

春秋與圖

埋其首於子駒之門

解子駒魯郭門

西郭門曰子駒之門

大事表七之一

王符潛夫論曰魯之公族有

子駒氏蓋以人氏其門者猶哀十一年黨氏之溝

惠氏補注二

司徒皇父帥師禦之彫班御皇父充石

解皇父戴公子充石

皇父名

宋戴公白生公子充石字皇父皇父生季子來來生南雍
缺以王父字爲氏

唐書宰相世系表五下

說文充長也高也長與高

皆大也禮記玉藻篇服之襲也充美也孟子充實之謂美
充實而有光輝之謂大是充者美也大也爾雅釋詁碩大
也漢書卷二十一石大也石碩古字通詩豳風狼跋篇公
孫碩膚毛傳云碩大膚美也陳風澤陂篇有美一人碩大
且卷是碩者美也大也爾雅釋詁皇皇美也又疏引尸子
廣澤篇云皇大也詩大雅皇矣篇皇矣上帝毛傳云皇大
也周頌執競篇上帝是皇毛傳云皇美也是皇者美也大
也

周秦名字解故上

案唐表以皇甫氏出自子姓改父爲甫廣

韻遂以皇父充石爲複姓非也襄九年有皇鄆服氏云皇

父充石之後十世宗卿爲人之子大司馬椒也宋皇氏之族傳中屢見初不稱皇父唐表謂卽皇甫恐屬傳會

司寇牛父

宋微子之後司寇牛父子孫以王父字爲氏

唐書宰相世系表五上

以敗狄于長丘

解宋地

漢地理志陳畱封丘縣孟康曰春秋傳敗狄于長丘今翟溝是近志翟溝在封丘縣南八里卽白溝也音轉爲翟

案縣

今屬河南衛輝府

春秋地名攷略十

齊王子成父解齊大夫

齊有王子成父王孫揮

襄廿三

鄭有王子伯駢

襄八

當是時王

族亦有宦於諸侯者

衛亦有王孫賈王孫齊齊履謙春秋諸國統紀一

案王子

成父卽管仲舉以爲大司馬者也詳見臆說

埋其首於周首之北門

解

周首齊邑濟北穀城縣東北有周

首亭

周首在今山東東阿縣東北

案縣屬泰安府

日

自安於夫鍾

解夫鍾郕邑

桓十一年公會宋公子于夫鍾卽此今山東汶上縣北有夫

鍾里

案縣屬兗州府

春

文十
二 郕人立君

服虔曰改立君不命於周天子也

太平御覽皇親部十二

天子以夫鍾與郕邾來奔

解郕邾亦邑

鄭穆公妾曰圭嬀疑圭亦小國郕并之而加邑爲邾左傳

繫之以郿曰郿邾所以別于秦武公所伐之邾也

見秦本紀春

秋地名攷略十三

案襄十九年圭媯路史國名紀四以圭國後

爲邾太平御覽皇親部十二引服注云郿邾邾邾之寶圭疑服本亦作圭餘見圭媯下

楚令尹大孫伯卒成嘉爲令尹解若敖曾孫子孔十一年解成大心子玉之子大孫伯也

得臣之後爲成氏生二子曰大心曰嘉

春秋分記世譜七

羣舒解偃姓舒庸舒鳩之屬今廬江南有舒城舒城西南有龍舒

舒又自一國乃黃帝之後任姓見潛夫論

路史後紀八注國名紀三

舒國子爵偃姓

本通志氏族略二

僖三年徐人取舒後復見至文

十二年楚子孔執舒子平疑自後遂滅于楚舒蓼文十四年見宣八年滅于楚舒庸成十七年見爲楚所滅舒鳩襄二十四年見二十五年滅于楚定二年復見傳蓋楚復之今江南廬州府舒城縣爲古舒城廬江縣東百二十里有古龍舒城其舒蓼舒庸舒鳩及宗四國約略在此兩城間

大事表五

及宗子

賓芊姓子宗也頃王四年楚執宗子遂圍巢十六國春秋常璩志云宕渠古賓國宕渠今入伏虞賓城見存

蓬州中興

書云廩君後非

路史國名紀三

案蓬州今隸四川順慶府順慶

卽古宕渠地水經潛水注云延熙中分巴立宕渠郡蓋古

寶國也徐文靖管城碩記十云杜注宗巢二國羣舒之屬地在舒城巢縣之間潛夫論宗子媯姓非芊姓也寰宇記曰故寶國在江流縣東北八十四里安得謂卽舒城巢縣之宗乎

遂圍巢

解

巢吳楚間小國廬江六縣東有居巢城

巢周不得姓之國有巢氏之後堯時有巢父夏商有巢國

其地在廬江

通志氏族略二

巢伯殷之諸侯伯爵也南方遠國

書旅

巢命序傳

案正義曰成湯放桀于南巢或此巢是也

成七年吳始伐楚伐巢十七

年舒庸道吳人圍巢襄二十五年吳子伐楚門于巢昭四
年薳啟彊城巢五年楚使沈尹射待命于巢二十四年吳
滅巢二十五年楚使熊相謀郭巢蓋巢已亡而楚欲據其

地也史記吳公子光六年大敗楚軍於豫章取楚之居巢

而還自是巢入于吳矣今巢故城在巢縣東北五里

案縣屬廬

州府春秋地名攷略十四

巢有二文十二年楚人圍巢巢國也哀十

一年大叔疾處巢衛地也

春秋分記疆理書十一

主人三辭

賓襲執圭擯者入告出辭玉

儀禮聘禮

圭贄之重者辭之亦所

以致尊讓也

又注

致尊讓鄉飲酒義文彼爲賓主三辭三讓

是致尊讓此辭玉亦是致尊讓之事案左氏傳云秦伯使

西乞術來聘襄仲辭玉賓對曰不腆敝器不足辭也彼賓

無三讓者文不具亦當三讓也

又疏

厚賄之解賄贈送也

無行則重賄反幣

儀禮聘禮記

無行謂獨來復無所之也必重

其賄與反幣者使者歸以得禮多爲榮所以盈聘君之意也反幣謂禮玉束帛乘皮所以報聘君之享禮也昔秦康公使西乞術聘于魯辭孫而說襄仲曰不有君子其能國乎厚賄之此謂重賄反幣者也

又注

取羈馬

解晉邑

羈馬在山西蒲州府永濟縣南三十六里

春秋輿圖

以從秦師于河曲

解

河曲在河東蒲坂縣南

今蒲州府永濟縣東南五里有蒲坂故城

大事表七之三

趙有側室曰穿

解

側室支子穿趙夙庶孫

正義

世族譜穿趙

夙之孫則是趙盾從父昆弟之子也

案趙穿韋注國語謂夙之孫趙盾從父昆弟武子穿也夫夙既與衰爲昆弟則所謂從父昆弟乃夙之子穿之父豈得卽謂穿與盾爲從父昆弟乎韋注誤

萬氏氏族略

案杜氏

於閔元僖廿三解以夙與衰爲兄弟本之晉語其實非也當依世本以衰爲夙之子則盾是夙孫特盾爲正室穿爲側室韋注云從父昆弟安得爲誤耶詳見閔元年駁證內

左傳宣二年疏引世本又云夙爲衰祖穿爲夙之曾孫疏亦以世本轉寫多誤其本未必然也

錢塘汪繩

祖曰穿諡武子未見所出疑武子卽之子之譌通志氏族

略三云趙盾從父昆弟子曰趙穿與世族譜合

若使輕者肆焉

解

肆暫往而退也

注云肆突言使輕銳之兵往驅突晉軍

案惠氏以爲服注

周禮夏官環人

疏

案詩皇矣云是伐是肆箋云肆犯突也疏引此傳爲

證

交綏解司馬法曰逐奔不遠從綏不及

蒲鍾左氏傳注疏正字云案司馬法逐奔

不過百步從綏不過三舍

逐奔不遠則難誘從綏不及則難陷然則古名

退軍爲綏秦晉志未能堅戰短兵未致爭而兩退故曰交綏

正義魏武令引司馬法云將軍死綏舊說綏卻也云云

司馬法曰將軍死綏注曰綏卻也有前一尺無卻一寸此案

疑是魏武注文選任彥昇奏彈曹景宗文注

復侵晉入瑕

河東猗氏縣東北有瑕城

杜氏土地名

案猗氏縣今屬山西

蒲州府

城諸及鄆無鄆莒魯所爭者城陽姑幕縣南有員亭員卽鄆也諸見莊廿九年

鄆在今山東沂州府沂水縣東北四十里此爲東鄆莒魯

所爭者

詳見成四年正義大事表七之一

案鄆爲莒別邑此時屬魯成

九年楚伐莒入鄆襄十二年救台入鄆昭元年季孫宿伐莒取鄆則復屬魯故趙孟曰莒魯爭鄆爲日久矣則莒鄆卽魯鄆也因以東西二鄆別之餘見成十六年

文十

三 晉侯使詹嘉處瑕以守桃林之塞解桃林在弘農華陰

縣東潼關

晉有二瑕其一成公六年諸大夫皆曰必居郇瑕氏之地杜氏曰郇瑕古國名水經注涑水又西南逕瑕城京相璠

日今河東解縣西南五里有故瑕城是也

杜以郇瑕爲一地鄭以爲二地

在今之臨晉縣境

案縣屬山西蒲州府

其一僖公三十年燭之武見

秦伯曰許君焦瑕朝濟而夕設版焉解焦瑕晉河外五城

之二邑文公十二年晉人秦人戰于河曲秦師夜遁復侵

晉入瑕解以河曲爲河東蒲坂縣南則瑕必在河外十三

年晉侯使詹嘉處瑕以守桃林之塞案漢書地理志湖故

曰胡武帝建元年更名湖水經河水又東逕湖縣故城北

鄭氏注云晉書地道記太康記並言湖縣漢武帝改作湖

其北有林焉名曰桃林古瑕胡二字通用禮記引詩心乎

憂矣瑕不謂矣鄭氏注云瑕之言胡也

表

瑕胡音同故記

用其字是瑕轉爲胡又改爲湖而瑕邑卽桃林之塞也

放書

牛桃林之野注云在華山東

今爲閬鄉縣治

案縣屬河南陝州

而成公十三年

伐秦成肅公卒于瑕亦此地也道元以郇瑕之瑕爲詹嘉

之邑誤已

左傳有三瑕而郇瑕不與焉桓公六年軍於瑕以待之注瑕隨地成公十六年楚師還及瑕注

瑕楚地昭公二十四年王子朝之師攻瑕及瑕注杏皆潰注瑕杏敬王邑日知錄三十一桃林今在河

南陝州靈寶縣南十一里卽秦函谷關也漢武帝從楊僕

言徙故關于新安縣東界東入蓋三百里謂之新關建安

十六年潼關之名始見于史則在陝西華陰縣東四十里

河南閬鄉縣西六十里今新設潼關縣春秋時通謂之桃

林

大事表九

秦伯師于河西魏人在東解今河北縣於秦爲在河之東

河西在今陝西同州府及華州境秦初起岐雍未能以河

爲界晉強遂跨河而滅西虢兼舊鄭以汾澮爲河東故以華陰爲河西至僖九年秦穆公援立夷吾夷吾請割河外列城五東盡虢略河外卽河之西

史記亦作河西八城

虢略故虢國

地卽今閭鄉靈寶在河之東逮背約不與而戰韓見獲僖十五年秦歸晉侯始征河東而河外五城不必言矣十七年晉太子圉爲質於秦秦復歸晉河東而河西五城大抵終爲秦有自是秦地始東至河秦在河西晉在河東判若兩戒秦孝公初立下令曰穆公東平晉亂以河爲界此其證也秦地至河自穆公始

大事表八上

繞朝贈之以策解策馬櫪正義櫪杖也

策馬極端有鍼以刺馬謂之鑿

淮南道訓應注

案古之馭馬者

以鞭驅之其驕不行者則刺之以策曲禮云乘路馬載鞭策是也隋書刑法志鞭制用生革蓋亦依古爲之北史崔伯謙鞭用熟皮以示恥故今之制鞭馬則綴韋索於幹末鞭人者合皮爲之鞭字從革正取此義劉表譙客有僞醉者以鍼置杖端刺以試之卽是策之遺意初學記云古者用革以扑罪人亦以驅馬故其文從革後以竹代革故策箠二文又並從竹履繩謂策亦堪用竹若云以竹代革則鞭策不殊此說非也記又云因驅策箠擊之義以立名是已李白有臨行將贈繞朝鞭句詩家使事假借又不必泥李善文賦注云繞朝贈士會以馬策蓋唐人多用杜解也餘別見駁證

吾謀適不用也解示已覺其情

蓋繞朝曾言於秦伯請畱之

顧氏補正中

案此本傳氏遜之

說詳見駁證

魏人譟而還解喜得士會

應劭曰羣呼曰譟

漢書五行志中之下注

其處者爲劉氏

解

士會堯後劉累之胥別族復累之姓

正義

蓋以爲漢室初興捐棄古學左氏不顯於世先儒無以自申

劉氏從秦徙魏其源本出劉累插注此辭將以媚於世云云

宰相世系

上一

曰會適秦歸晉有子畱於秦自爲劉氏生明

明生遠遠生陽十世孫戰國時獲於魏遂爲魏大夫秦滅

魏徙大梁生清徙居沛生仁號豐公生煊字執嘉生四子

伯仲邦交邦漢高祖也家君曰處者爲畱謂畱於秦者遂

以爲氏漢人改爲劉以合卯金刀之說

惠氏補注二

邾文公卜遷于繹解繹邾邑魯國鄒縣北有繹山

今之嶧山在鄒縣東南二十五里

山東兗州府屬

蓋古時縣治在

山南今則徙于山北也文公徙都不過稍北數里

大事表七之二

繹山一名嶧山郭璞曰繹山純石積構連屬如繹絲然故

名

說本續漢書郡國志注又爾雅釋山注云言駱驛相連屬

水經注嶧山東西二十里

大事表八下

林少穎云嶧山卽詩所謂保有鳧繹非也渭案漢

志東海下邳縣葛嶧山在西古文以爲嶧陽魯國驕縣故

邾國嶧山在北嶧繹古字通今兗州府鄒縣東南有嶧山

一名邾繹亦曰鄒嶧

本史記秦始皇本紀及正義

此卽鳧繹之繹左傳

邾文公卜遷于繹史記秦始皇刻石頌功德者也

案王謏唐語林

八說同

水經注泗水歷下邳縣逕葛嶧山東卽奚仲所遷之

邳嶧元和志謂之嶧陽山邳州新志云俗名距山以其與

沂水相距也此乃禹貢之嶧陽漢志極其分明林氏混而

一之大謬嶧山自北而南葛嶧乃鄒嶧之盡處故嶧陽當

在下邳也

禹貢錙指五

大室之屋壞解大廟之室正義公羊作世室云云案左氏經

爲大室不作世室故左氏先師賈服等皆以爲大廟之室也

春秋文公十三年太室屋壞五行志曰前堂曰太廟中央

曰太室屋其上重者也服虔亦云太室太廟太室之上屋

也

隋書牛弘傳

世室二傳作太室

案魯頌譜正義謂穀梁亦爲世室誤也

賈逵服

虔等皆以爲大廟之上屋禮說曰清廟之制如明堂明堂五室故清廟五寢中央曰太室亦曰大寢大室屋壞者室上重屋明堂位所謂復廟重檐天子之廟飾洛誥王八大室裸是也

又月令天子居大廟大室

棟案公羊皆以世爲大如衛大叔

儀爲世叔齊宋樂大心爲樂世心

案昭卅二年經衛世叔申穀梁作太叔申

又

推而廣之如鄭子大叔論語作世叔天子之子稱天子春秋傳云會世子于首止諸侯之子稱世子而晉有太子申生鄭有大子華春秋經齊世子光左傳云太子光明古世與大同義是世室猶大室也

惠棟公羊古義下

鄭伯會公于棐解鄭地

棐卽棐林宣元年諸侯會晉師于棐林

又見襄卅一年

杜注滎陽

宛陵縣

晉志作宛陵

東南有林鄉今開封府新鄭縣東二十五

里林鄉城是其地也

大事表七之二

子家賦載馳之四章解載馳詩鄘風四章以下義取小國有

急欲引大國以救助

此實五章故左傳叔孫豹鄭子家賦載馳之四章四猶未

卒明其五也然彼賦載馳義取控引大國

一見襄十九年

今控于

大邦乃在卒章言賦四章者杜預云并賦四章以下賦詩

雖意有所主欲爲首引之勢并上章而賦之也左傳服虔

注載馳五章屬鄘風許夫人閔衛滅戴公失國欲馳驅而

唁之故作以自痛國小力不能救在禮婦人父母旣沒不

得寧兄弟於是許人不嘉故賦二章以喻思不遠也許人

尤之遂賦三章以卒章非許人不聽遂賦四章言我遂往
無我有尤也服氏既云載馳五章下歷說唯有四章者服
虔意以傳稱四章義取控于大國此卒章乃是傳之所謂
四章也因以差次章數以當之首章論歸唁之事總其所
思之意下四章爲許人所尤而作之置首章於外以下別
數爲四章也言許大夫不嘉故賦二章謂除首章而更有
二章卽此二章三章是也凡詩之作首尾接連未有除去
首章更爲次第者也服氏此言無所案據正以傳有四章
之言故爲此釋不如杜氏并賦之說也

詩載馳
正義

別見駁

證

文十
四 同盟于新城解宋地在梁國穀熟縣西

新城在今河南商丘縣西南

案縣屬歸德府
諸春秋解義二十五日

有星孛入于北斗周內史叔服曰不出七年宋齊晉之君皆將死亂解史服但言事徵而不論其占固非末學所得詳言

劉歆以爲北斗有環域四星入其中也斗天之三辰綱紀

星也宋齊晉天子方伯中國綱紀彗所以除舊布新也斗

七星故曰不出七年

漢書五行志下之下
記云是時政在諸侯

案何氏讀書

之後天變之大者非
國當之孰應其占哉

三 唐李淳風始算星行度謂此星

在角由构入

斗案史記天官書索隱云春秋運斗樞云第一

六開陽第七搖光第一至第四爲魁第五至第七爲標合而爲斗文耀鉤云斗者天之喉舌玉衡屬杓魁爲旋璣整

是月自北而入晉居

北齊宋居晉之東故三國當之

黃震黃氏
日抄十

案五行志載

董仲舒劉向說及星傳俱與歆不合杜氏未敢謂然故云
非末學所得詳言也愚因顧寧老獨取歆義故采之

王叛王孫蘇解叛不與

劉向九歎云始結言於廟堂兮信中塗而叛之王逸章句

曰叛倍也倍與背同王初與王孫蘇後復背之七年傳云

乃背先蔑此其類也

惠氏補注二

而使尹氏與聃啟解周大夫

聃啟疑聃季之後

萬氏氏族略

而伏舒蓼解卽羣舒

羣舒國在廬州府舒城縣境連接廬江

案縣屬廬州府潛山桐城

案兩縣俱屬安慶府

等縣皆有羣舒地

春秋與圖

魯人立文伯解穆伯之子穀也

文伯魯語

上

作孟文子

大事表十二上

案傳中孟獻子已下俱

稱孟氏春秋書仲孫則其族也據國語知孟氏自穀始專稱之爾餘見下

宋高哀

公子哀爲蕭封人杜世族譜穆公會孫不詳所系

春秋分記世譜

三

曰夫已氏解猶言某甲正義劉云甲已俱是名故云猶言某甲

桓公六子商人第六以甲乙次之而稱爲已杜曰猶言某甲甚得其解僖十七年傳敘懿公於公子雍之上者以無

虧與惠孝昭懿皆嘗爲君而公子雍未得立又五公子之
母皆諸侯女獨雍母爲宋大夫華氏女雖云如夫人者六
人傳家敘之自有貴賤故雍倒在末耳非長幼之次

孔氏經學

危言

案日知錄二十三所引甲乙及某甲故實皆失其

名而假以名之者與傳義少別故杜云猶言某甲耳

單伯

單伯自莊公元年至今已七十餘年未必一人或其子若

孫與

張氏春秋集注五

文十諸侯五年再相朝以脩王命古之制也正義鄭玄云古

者據今而述前代之言夏殷之時天子蓋六年一巡狩諸侯
間而朝天子其不朝者朝罷朝五年再相朝者似如此然則

古者據今時而道前世自不必皆道前代云云

五年一朝天子五年一巡守

禮記王制

鄭此注虞夏之制卽云

周之制不云殷者虞夏及周經有明文故指而言之殷則經籍不見故不言也案左傳云諸侯五年再相朝以脩王命古之制也案鄭志孫皓問云諸侯五年再相朝不知所合典禮鄭荅云古者據時而道前代之言唐虞之禮五載一巡守夏殷之時天子蓋六年一巡守諸侯間而朝天子其不朝者朝罷朝五年再朝似如此制禮典不可得而詳如鄭志之言則夏殷天子六年一巡守其間諸侯分爲五部每年一部來朝天子朝罷還國其不朝者朝罷朝諸侯至後年不朝者往朝天子而還前年朝者今旣不朝又朝

罷朝諸侯是再相朝也故鄭云朝罷朝也如鄭之意此爲
夏殷之禮而鄭又云虞夏之制諸侯歲朝以夏與虞同與
鄭志乖者以羣后四朝文在堯典堯典是虞夏之書故連
言夏其實虞也故鄭志云唐虞之禮五載一巡守今知諸
侯歲朝唯指唐虞也其夏殷朝天子及自相朝其禮則然
其聘天子及自相聘則無文也

又正義

餘詳昭三年及十

三年

齊人或爲孟氏謀解孟氏公孫敖家慶父爲長庶故或稱孟
氏正義庶長稱孟雖強同於適自稱爲仲以其實是長庶故
時人或稱孟氏

慶父之後當云慶氏稱孟氏者鄭康成論語注云慶父稱

死時人爲之諱故云孟氏杜預以爲慶父是莊公長庶兄

庶長故稱孟

並見禮記檀弓正義上

案公羊傳

傳

慶父曰吾不得入

矣於是抗軫經而死疏云鄭氏云慶父軫死者正取此文

又案禮緯含文嘉曰文家稱叔質家稱仲嫡長稱伯庶長

稱孟

見禮記曲禮上正義

杜依此爲說

白虎通姓名篇云庶長稱孟禮上正義

魯大夫孟氏是也惠氏補

二

聲己不視帷堂而哭正義雜記云朝夕哭則不帷今聲己恨

穆伯故朝夕哭仍帷堂檀弓又云帷殯非古自敬姜之哭穆

伯始也與此相類也云云

公孫敖亦是穆伯此不云聲己之哭穆伯始者聲己是帷

堂非帷殯也聲己哭在堂下怨恨穆伯不欲見其堂故帷

堂敬姜哭於堂上遠嫌不欲見夫之殯故帷殯案張逸荅

陳鏗云敬姜早寡晝哭以辟嫌帷殯或亦辟嫌表夫之遠

色也

禮記檀弓
下正義

六月辛丑朔日有食之

己酉歲

文公十五年夏六月辛丑朔日有食之是月汛交分入食

限

宋史律
歷志三

今歷推之是歲六月辛丑朔加時在晝交分二

十六日四千四百七十三分入食限

元史歷
志二

文十

故盟于鄆丘解齊地

鄆丘當在今山東泰安府東阿縣境

大事表
七之一

有蛇自泉宮出

毀泉臺正義蛇自宮出而毀其臺則臺在

宮內人見從宮而出毀臺并毀其宮也

師古曰泉宮卽泉臺

漢書五行志中之下注

十八年公薨于臺下卽

其地公羊謂卽莊公所築之郎臺者非是

大事表七之一

至于阜山師于大林又伐其東南至於陽丘以侵訾枝解大

林陽丘訾枝皆楚邑

楚阜山在湖廣鄖陽府房縣南五十里

讀史方輿紀要大作百五十里大

林在安陸府荊門州西北訾枝在鍾祥縣境

春秋輿圖

庸人帥羣蠻以叛楚解庸今上庸縣屬楚之小國

庸今湖廣鄖陽府竹山縣東四十里有上庸故城羣蠻在

今湖廣辰州沅州二府之境

大事表五

麋人率百濮聚於選解選楚地百濮夷也正義孔安國云庸濮在江漢之南是濮爲西南夷也釋例曰建寧郡南有濮夷

云云

濮熊姓書彭濮彭濮人皆峽外爲楚害楚滅之

昭十預云

建甯郡南濮夷地今爲鎮隸石首以多曰百濮

路史國名紀三百

濮在今雲南曲靖府境或曰湖廣常德辰州二府境

大事表五

楚選在湖廣荊州府枝江縣南

春秋與圖

案晉建甯郡爲今

之曲靖府高氏春秋地名攷畧云百濮種族非一約言其

地當在楚之南境而迤西矣蓋濮夷散處如獠獠之類蔓

滋數省極其遠則雲南之曲靖指其近則湖北之石首又

劉達蜀都賦注云傳曰麋人率百濮今巴中七姓有濮也

然則四川省昔亦有之濮旣無君長總統疑不一姓路史

以爲熊姓未知所據韋昭鄭語注云濮南蠻之國叔熊避

難處史記作叔堪爲熊嚴之次子祇言避難不聞若熊摯之自竄于夔也何得槩謂之熊姓乎濮爲楚滅不知何年昭十九年傳云楚子爲舟師以伐濮初無滅之之文楊慎地名攷云此卽微盧彭濮之濮或以爲雲南地恐非爲舟師以伐之雲南不通水道何得云濮

楚人謀徙於阪高解楚險地

阪高當在今湖廣襄陽府西境

日講春秋解義二十六

次于句瀍解楚西界也

句瀍當在襄陽府均州西

大事表七之四

及庸方城解方城庸地上庸縣東有方城亭

今竹山縣東四十五里有方城山上平坦四面險固山南

有城周十餘里卽春秋時庸方城也

春秋地名
攷略十四

先君蚡冒解蚡冒楚武王父宣十二年正義楚世家云云子

熊眴立

本譌

是爲蚡冒

韓子厲王薨武王卽位案楚世家熊通自立爲武王是楚

之王自熊通始其先初無所謂厲王者豈卽其兄蚡冒耶

張誤雲谷
雜記一

韓子和氏篇謂厲王薨武王卽位外儲說左上

亦稱楚厲王楚辭東方朔七諫云遇厲武之不察羌兩足

以畢斲是蚡冒諡厲王矣顧野王玉篇眴作眴

史記志疑
二十二

所以服陘隰也解陘隰地名正義言服陘隰則陘隰本是他

國蚡冒始服之也

荊州府以東多山谿之險因名

大事表
七之四

唯裨儵魚人實逐之解裨儵魚庸三邑魚魚復縣今巴東永

安縣

儵有二文十六年裨儵魚庸三邑也十七年將悉敵賦以

待於儵鄭地也

春秋分記疆理書十一

魚今爲四川夔州府治奉節

縣縣東有魚復浦

大事表七之四

會師于臨品解地名

臨品當在今湖廣均州界

日講春秋解義二十六

子越自石溪子貝自仞以伐庸解石溪仞入庸道

石溪仞俱當在今湖廣均州界

日講春秋解義二十六

秦人巴人從楚師羣蠻從楚子盟遂滅庸解蠻見楚強故傳言楚有謀臣所以興

熊過氏曰趙企明謂楚莊圖伯其爲謀深矣成王穆王將求諸侯則直與中國爭鋒伐鄭伐蔡伐陳以鬪于夷夏之境今莊王之興乃西連巴秦繞出周晉之後西南旣合而北趨晉則中國諸侯在其掌握矣春秋辭義十五乃助之施

襄夫人助公子鮑布施恩惠於國人也史記宋世家正義

夫人王姬使帥甸攻而殺之

夫人王姬使衛伯攻殺昭公杵臼史記宋世家衛伯豈帥甸之

名乎抑帥甸亦號衛伯乎未知所出史記志疑八

文十七晉侯蒐于黃父解一名黑壤晉地

宣七年會于黑壤傳云盟于黃父又見昭廿五杜注黃父卽黑

壤蓋二名爲一地矣黑壤山在今澤州府

山西

沁水縣西北

四十里澮水所出後周宇文泰小字黑獺諱之改曰烏嶺

大事表
七之三

畏首畏尾身其餘幾解言首尾有畏則身中不畏者少

畏始畏終中身不畏凡有幾何言常畏也

淮南說
林訓注

周甘歊敗戎于邾垂解周地河南新城縣北有垂亭

水經伊
水注引

釋地作
邾垂亭

邾垂在河南汝州伊陽縣境

春秋
輿圖

文十與邾歊之父爭田

與丙戎之父獵爭獲

史記齊
世家

公游于申池解齊南城西門名申門齊城無池唯此門左右

有池疑此則是

案傳謀弑懿公納諸竹中襄十八年晉伐齊焚申池之竹

木水經

淄水

注時水出齊城西南世謂之寒泉東北流直申

門西京相璠杜預並言申門卽齊城南面西第一門矣今

池無復髣髴尚有竹木遺生左思齊都賦注申池在海濱

齊藪也

本淮南地形訓

蓋誤晉書慕容德宴庶老于申池左太沖

云昭華池也韓詩外傳齊景公出弋昭華之池顏涿聚主

鳥而亡之郡國志謂之左右池卽系水源也

春秋地名攷略三

別見駁證

其宰公冉務人

公又複姓魯有公冉務人

廣韻公字注

魯人謂之哀姜解所謂出姜不允於魯

此哀非諡蓋以哭而過市國人哀之謂之哀姜故生稱哀

史記魯系家索隱

季文子使大史克

里革魯大史克也

國語魯語上注

案魯頌駟序云史克作是頌

正義引此傳以爲卽大史克也

以訓則昏民無則焉

朱子謂孝經獨篇首六十七章爲本經其後乃傳文意齊魯間儒纂取左氏諸書以爲之者或問安知非左氏諸書取孝經乎朱子曰不然三才章自章首以至因地之義爲子太叔述子產及趙簡子贊之之言

昭廿五

以順則逆民無則

焉一段爲季文子之言君子則不然以下又雜以北宮文

子言

襄二十

一在左傳中自有首尾載入孝經都不接續又無

意思則知此襲彼非彼取此可無疑也

尚書古文疏證二

昔高陽氏有才子八人

古者以德爲才十六才子是也如狄之鄆舒晉之知伯齊之益成括以才稱者古所謂不才子也

困學紀聞六

隤散

羅泌以益爲帝高陽之第二子隤散

路史後紀

此信鄭道元之

過也水經洛水注載晉永平

惠帝年號

元年九山廟百蟲將軍

顯靈碑云將軍姓伊氏諱益字隤散帝高陽之第二子伯益者也鑿空附會無異齊東野語詎得依之

史記志疑十九

此十六族也

古今人表倉舒墮數禱敵大臨危降咎繇仲容叔達柏奮
仲堪叔獻季仲柏虎仲熊叔豹季熊禹禹垂朱斯柏譽柏
益龍夔仁傑案自倉舒至季熊卽左傳所謂八愷八元者
也自禹至夔卽書所謂九官者也杜氏解八愷曰此垂益
禹臯陶之倫八元曰此稷契朱虎熊羆之倫然不能枚數
其人以合左氏之數觀舜命九官之外有夔斯伯與朱虎
熊羆古今傳注皆以夔斯伯與爲二臣朱虎熊羆爲二臣
竊謂垂遜于夔斯伯與益遜于朱虎熊羆若均爲二臣史
無異辭可也今于夔斯伯與加暨字于其間而朱虎熊羆
則不然者蓋有謂也夔斯爲二人伯與爲一人故加暨字

以別之如遜于稷契暨臯陶也朱虎熊羆爲四人故連文稱之如遜于夔龍也如此則及斯伯與朱虎熊羆爲七人合九官之數而爲十六此所謂八愷八元者也

吳仁傑兩漢刊誤補

以揆百事莫不時序解揆度也

案一代有一代之官名與其職任不得相混竊以唐虞時四岳自官名百揆非官名也蓋其官以揆度百事爲職任必欲認以爲名則非何以驗之後文契作司徒司徒其官名也敷五教則其職臯陶作士士其官名也明五刑則其職以至伯夷官名秩宗而職典三禮龍官名納言而職出納朕命是舜所謂百揆亦典三禮敷五教之類耳苟以爲

官名則五典四門大麓一例字面豈有一官名在內者乎
或曰然則舜他日又曰使宅百揆非使之作相者乎余曰
宅者居也言使之居揆度百事之任耳非如伯禹作司空
司空則官名矣僞作周官者竟認百揆與四岳俱官名曰
內有百揆四岳其殆昔人所謂圖對偶親切者與又案納
于百揆百揆時敘惟左傳解得最分明曰以揆百事莫不
時序又卽孟子使之主事而事治之謂也益驗決非官名
尚書古文
疏證四案下引虞書曰納于百揆百揆時序無廢事
也正與二語義相發明

緡雲氏解黃帝時官名

賈逵曰緡雲氏姜姓也炎帝之苗裔當黃帝時在緡雲之

官也

史記五帝本紀集解

今括州縉雲縣蓋其所封也

案縣屬浙江處州府又

正義

流四凶族渾敦窮奇檮杌饕餮投諸四裔以禦螭魅解案四
凶罪狀而流放之投弃也裔遠也放之四遠使當螭魅之災
螭魅山林異氣所生爲人害者宣三年解螭山神獸形魅怪
物

賈逵曰四裔之地去王城四千里

史記五帝本紀集解

舜典曰流宥

五刑又曰五流有宅左傳季文子曰舜臣堯流四凶族是

四罪之刑皆流也安國云幽州北裔崇山南裔三危西裔

羽山東裔在海中馬融亦云與季文子所謂投諸四裔正

相脗合卽此之二百里流是也括地志曰故龔城在檀州

燕樂縣界故老傳云舜流共工幽州居此城

唐檀州治密雲縣領燕樂

縣密雲今屬順天府燕樂故城在縣東北五十里

三危山在沙州燉煌縣東南三

十里

案今甘肅安西州敦煌縣

羽山在沂州臨沂縣界

詳昭七年

崇山無說

孔疏云不知其處蓋在衡嶺之南通典云澧陽縣有崇山

卽舜放驩兜之所

方輿勝覽同澧陽今澧州及石門縣

胡炳文四書通云崇

山在澧州慈利縣岳州府志在慈利縣南三百里大庸所

城東

所屬永定衛漢武陵充縣地

羽山寰宇記云在登州蓬萊縣東十

五里卽殛鯀處更符安國在海中之說以道里計之此二

山者與幽州三危皆在荒服之中則四罪之刑皆爲流可

知也

禹貢錐指十九

說文裔衣裾也徐鍇曰裾衣邊也故謂之四

裔傳中言裔夷裔子裔胄之類

案裔夷見定十裔子見昭元及廿九裔胄見襄十四

又水邊爲裔 其義皆視此 陸氏附見哀十七

注一

使樂呂爲司寇 解 樂呂戴公之曾孫 正義 世本云戴公生樂甫術術生碩甫澤澤生夷父須須生大司寇呂今云曾孫誤也

樂氏出自子姓宋戴公生公子術字樂父生傾父澤澤生

夷父須子孫以王父字爲氏須生大司寇樂呂

唐書宰相世系表三

下

樂姓宋戴公四世孫樂莒爲大司寇

廣韻樂字注

案通志

氏族略三術亦作術觀其字樂甫則術爲譌傾碩相狀致誤碩甫乃其字若作傾成爲謚矣禮記檀弓下正義引世本術生石甫願繹繹生夷甫傾則文又不同或傳寫之故呂於戴公是五世元孫廣韻氏族略並與杜同誤豈以命

氏者爲祖不數戴公平

補釋十